

Кузь нэм да бур шуд!



Эжва йывлөн слава

### Любовь Владимировна Игнатова

Чужис 1947 вося июнь 14 лунö Крутая посёлокын. Сыктывкарса педучилище да Коми государственной пединститут помалом бöрын 40 во уджалис Вöльдинса да Ягкöджса школаясын велöдысьöн да завучöн. Бöрийлисны Вöльдин сиктсöветса депутатöн.

Верöсыскöд быдтис да велöдис кык челядьöс.

Бур уджысь сетисны «Уджывса ветеран» да юбилейной медальяс, грамотаяс, РСФСР-лөн народной просвещениеса отличниклысь, старшой учительлысь нимгъяс. Öни шойччöг вылын, олö Ягкöджын.



# Парма Гор

Эжва йывса войтырлөн газет

Петö 1929 восянь

Четверг, 2011 вося сентябр 15 лун 112 (10387)-öд №

Кок серти и көм

(коми шусьöг)

## ТÖДÖЙ, МЫЙ ВЫЛЫС

### КОЛАНА СЁРНИ

Сентябр 13 лунö редакциялөн пресс-клубын мунис велöдчан во кежлö дасьлун, велöдомö выль пыртöмгъяс йылысь «гöгрöс пызан».

Волисны районас администрацияөн веськöдлысьöс вежысь Н.А.Левченко, велöдан управлениеса начальник О.А.Холопов, Госпожнадзорлөн Куломдін юкöнысь инспектор И.А.Кочанов да Роспотребнадзорлөн юкөнса медшöр специалист-эксперт Л.Ю.Савельева. Паськыджыка сёрнисö лоö йöзöдома газетлөн локтан номергъясын.

### ТАВО БУРДЖЫК

Сентябр 12-öд лун кежлö «Помöсдин» кооператив öкмыс гектар вылысь босьтис 113 тонна картофель.

Совхозгъяс местаö котыртчöм кооперативгъяс пöвстысь сöмын «Помöсдин» вöдитö картофель. Кыдзи и кольöм воын, пуктисны 10 гектар вылö. Кольöм воын быд гектар вылысь шöркода босьтисны 50 центнерöн, таво чукöрмö унджык.

### МАТЫСТЧÖ ЯРМАРКА

Юркарын вoсьö видз-му овмöс комплексö пырысь предприятиеяслөн «Урожай-2011» ярмарка.

Кыдзи юöртö республикаса юралысьлөн да правительстволөн пресс-служба, тавoся ярмарка вылын петкöдчас матö 100 предприятие, кодгъяс вöчöны, переработайтöны видз-му овмöс прöдукция да сёян-юан. Гырысь предприятиеяс кындзи, петкöдчасны тшöтш крестьянскöй, фермерскöй да ас овмöс кутыгъяс, садоводствоөн вöдитчысьяс, потребительскöй кооперацияса организацияяс, велöдан учреждениеяс да предпринимательяс. Юркарё вузасыны лэччыласны и Эжва йылысь крестьянин овмöсгъяс.

Тавысь кындзи, сентябр шöрсянь выль вöөдз кутас уджавны шойччан лунгъясся ярмарка.

### ВИДЗЧЫСЬÖЙ ВИСЬМÖМЫСЬ

Районын казялисны вуджан висьöмгъяс.

Куим морт висьмисны дизентерияөн. На пыисы öти сёйöма арбуз. Олысьяс оз пыдди пуктыны öлöдöм, мый вузасыннгъяссысь оз позь ньöбны вундöм арбуз. Казялöма ветрянкaөн висьсысьясöс. Некымын велöдчысьлөн сюрöма той. Öни видлалöны став челядьöс.

### ОТСАЛАС ВЕЛÖДЧЫСЬЯСЛЫ

Районас шöр библиотекаö воис «Зелёный пакет» нима 26 книга, кытчö пырö тшöтш нель мультимедийной диск.

Гöгöртас, вöр-ва сöстöмлун вöсна тöждысьöм йылысь гижöдгъяс, серпасгъяс отсаласы экология велöдомын. Книга лэдзис экология кузя регионса шöрин.

Нöшта воис Куломдін районас вöр-ва торгъя видзан местаяс йылысь 30 буклет. Став воёмторö разöдасын районас библиотекаясö.

Асланым да общ. корреспондентгъяс.



## ДЕПУТАТКÖД АДДЗЫСЬЛÖМ

2011-öд вося сентябр 8 лунö «Единая Россия» партияса председател В.В.Путинлөн йöзöс примитан Куломдінса юкöнын уджалис Госсöветса депутат В.А.Косов.

Депутат дорö унапöлөс юалöмөн шыöдчылисны Куломдін, Зимстан, Дон сикт овмöдчöмингъяссы 11 морт.

Сидз, куломдінсаясöс майшöдлö

туйяс дзоньталöм да дөзвöритöм, уличаяс биөн югзöбöдöм, ас керка лэптöм вылö места сетигөн локальной тышын участуйтысьяслы кокньöдгъяс сетöм.

Зимстанса олысьяс көсйисны тöдны, кыдзи могмодасын посёлка больнична технологической оборудованиён да содас-ö койка лыд. Сидзжö юасисны модульной выль ФАП-яс стрöбитан уджтас

йылысь да уна мукöдтор.

Донсаяс юасисны, кор босьтчасны лэптыны сиктын выль клуб да мый вöчöма нин Дон ты видзöм могысь уджтас лöсьöдомын.

Госсöветса депутат В.А.Косов вочавидзис юалöмгъяс вылö, öткымын шыöдчöм лоö сылөн дөзвöр улын.

Снимок Николай ЛЮТОЕВЛÖН.



# Парма Гор

Эжва йывса войтырлөн газет

## СУДЗÖДÖЙ ДА ЛЫДДЬÖЙ «ПАРМА ГОР»

Сентябр 1-öд лунсянь пансис 2012 волөн медводдза джын кежлö газетгъяс да

журналгъяс вылö гижöдöм. Кутам лача, мый Эжва йывса олысьяс оз вунöдны судзöдны ассысь «Парма гор» газет. Öд сöмын сэтгъяс тi вермангъяд тöдмангъяс районлысь выль-торгъяс, экономикаын да социальной юкөнгъясын вежсьöмгъяс.

Судзöдан дон татшöм: тöлысь кежлö 52 шайт 79 көпейка, куим тöлысь кежлö 158 шайт 37 көпейка, во джын кежлö 316 шайт 74 көпейка. РЕДАКЦИЯ.

МЫЙ МЕДОНА



## Районын биысь видзөдөм кузя инспектор Иван Александрович Кочанов:

**«Медым баты-мам вөліны дзоньвидзаось да водзё нимкодьодисны челядьнысё, внукьясё да внучкаясё, чой-вок олім өта-мөдкөд төлкөн-ладөн, кутім бур йитөдьяс, сьёкыд кадө отсалім өта-мөдлы, пыр мунім воча».**



көні өти пельос сёма Виктор Савинлы. Ветеранъяслөн Көрткерөс району сөветөн веськөдлысьёс вежысь А.С. Кулаков лыддис Виктор Савинлы сём ассьёс «Возрождение» небөг. Көрткерөссаяслы ёна воис сьолөм вылө Дереванной сикт, но торйөн нин найө шензисны сы вылө, мый сиктын абу борщевик. Дыр юасисны Т.Н.Удоратиналысь (Татьяна Николаевна котыртіс дереваннойсаос тышканы борщевиккөд - авт.), кызди вермисны венны тайө өдйө пась-

ясса сөветьясөн веськөдлысья Г.А.Кравченко да Н.М.Казаков сетисны өта-мөдныслы аддзысьлөм йылысь казьятылана козиньяс, ветеранъяслөн быд котыр петкөдчис сыланкывйөн. Ставныслы ворсис баянөн И.В.Нестеров. Иван Васильевич висталіс аслас олөм йылысь. Районын тайө мортсө төдоны зэв бура. Оні кутасны төдны и көрткерөссаяс. И.В.Нестеров вөлі военной дирижёрөн, подполковник, гажөдіс миянлысь салдагыяос Афганистанын. Пенсия вылө петөм бөр-ын локтіс овны чужан

## Кулөмдін район во джынйөн

Кольөм воын серти, тавося январ-июнын району содіс промышленной да видз-му овмөсын өткымын прөдукция вөчөм, содіс удждон, чиніс уджтөмалысьяслөн лыд, мыж вөчөм, кулісны этшаджыкөн. Содісны инвестицияс медшөр капиталө. Сэжжө чиніс скөтөс да чипанөс яй вылө быдтөм.

2011-өд вося июль 1-өд лун кежлө районуны лыддысьсө 268 организация, на пиысь 53 процентис - муниципальнойяс. Став организация пиысь 31 процентис йитчөма образованиекөд, 21 процент - государственной веськөдлөмкөд да 15 процент - вузасьомкөд.

2011-өд вося первой во джынйөн, өткодьявны кө кольөм вося тайө кадколастөн, содіс йөв лэдзөм, вый, юмов пөжасьяс, нянь да пөжалөмторьяс вөчөм, шоныд сетөм, тьөс-плака пилитөм. Сэжжө 2010 воын серти этшаджык вөчөма сыр, рысь, яй.

Видз-му овмөсын тавося квайт төлысьөн содіс 6 процент вылө йөв лысьтөм да төдчымөн чиніс яй вылө начкан скөтөс быдтөм (16 процент вылө). Тайө кадөн жө содіс гырысь скөтлөн юр лыд 1 процент вылө.

Тавося во джынйөн пөрөдөма 586,3 сюрс кубометр вөр (кольөм воын серти 11 процентөн этшаджык). Унджык пөрөдөма лыска вөр.

Во джынйөн кыпөдісны 4 ас керка. Өтувья ыдждаыс 253 квадратной метр, тайө кольөм воын дорысь вит пөв этшаджык.

Неуна чиныштіс, 0,2 процент вылө, вузасьом-ньөбөм.

Во джынйөн районуны содісны инвестицияс. Артавны кө талунья доньясөн, инвестицияс медшөр капиталө содісны 7 пөв, ыдждаыс лои 109,7 миллион шайт. 44 процентис воис вөр комплексө.

Районса организациясы (ичөт предприятиеяс лыддытөг) уджаліс 6 сюрс морт, сы мында жө, мында кольөм воын первой во джынйын. 31 процент уджаліс велөдан юкөнын, видз-му овмөс да вөр юкөнын - 21 процент, дзоньвидзалун бурдөдан юкөнын - 15 процент.

Коми республикаса йөзөс удждон могмөдан управление юөртис, мый 2011-өд вося июнь помын районуны вөлі 565 уджтөмалысь, тайө 27 процентөн этшаджык кольөм воын серти. Кольөм воын кө организациясө коліс 206 уджалысь, таво сөмын 144. Быд прөст уджалан места вылө, кызди и кольөм воын, вөйысис 4 морт.

Организациясы (ичөт предприятиеяс кындзи) 2011-өд вося январ-июнын төлысья шөркодь удждон вөлі 16,6 сюрс шайт, республикаын шөркодь удждонысь 56 процент. 2010 волян первой во джын серти удждон содіс 3 процент вылө (доньяс содөм тшөт вылө босьтөмөн стөчмөдөмөн), республика пасьята - 1,2 процент вылө.

Коми республикаын Российскөй Федерацияса пенсия фондлөн юкөнлөн юөртөм серти, районуны 9,1 сюрс пенсионер. Во чөжөн пенсиялөн ыджда содіс 7841 шайтсыянь 8576 шайтөдз, тайө республикаын шөркодь пенсиясы 18 процентөн этшаджык. Пенсиялөн збыль ыдждаыс коліс кольөм вося мында.

2011-өд вося первой во джынйөн, өткодьявны кө кольөм вося тайө жө кадыскөд, чиніс кулөм-яслөн лыд да содіс районуны мукөдлаө мунысь йөзлөн лыд. 2011 вося квайт төлысьөн чужис 253 кага, тайө 3 процентөн унджык кольөм воын серти. Куліс 267 морт (4 процентөн этшаджык). Гижисны 114 семья (1,7 пөв унджык кольөм воын серти) да 26 юкисны (4 процентөн этшаджык).

Коми республикаса пытшкөсса делөяслөн министерстволөн юөртөм серти, мыж вөчөм чиніс 9 процент вылө (республикаын - 12 процент вылө). Ставсө пасйөма 180 мыж вөчөм. Став мыж вөчөмысь сьөкыд да торья сьөкыд мыж вөчөм босьтө 26 процент. Мыж вөчысьясы 49 процентис - 30 арөсөдз том йөз, на пиысь 68 процентлөн эз вөв пыркадыс удж. Содіс мыж вөчөм төдмалөм. Став мыж вөчөмысь востьөма 87 процентсө (республика пасьята шөркоды 76 процент).

КОМИСТАТ.

## АДДЗЫСЬЛІСНЫ ВЕТЕРАНЪЯС

Важысянь кутөны топыд йитөдьяс ветеранъяслөн Кулөмдін да Көрткерөс районьясса сөветьяс. Тайө отсалө кыкнан районуны бурмөдны олөма йөз пөвстын удж.

Июнь помын ветеранъяслөн райсөвет президиумө пырысьяс лэччывлісны нималана коми гижысь, драматург Виктор Савинлөн чужаніно - Нёбдінө. Накөд тшөтш вөлі «Красная гвоздика» хор аслас веськөдлысь М.В.Поповакөд. Эжва йывсаяслы петкөдісны Виктор Савинлысь литературной музей, Нёбдін сикт, Виктор Савинлы сувтөдөм памятник да изысь пас. Бөрыннас сиктса культура керкаын ветеранъяслөн Кулөмдін да Көрткерөс районьясысь котырьясөн веськөдлысья Г.А.Кравченко да Н.М.Казаков юкисны удж опытөн, сетисны өта-мөдыслы козиньяс.

Көрткерөссаясөс гажөдіс «Красная гвоздика» хор. Сылісны сіджжө ветеранъяслөн Кебанъяслысь котырон веськөдлысь Т.А.Тарабукина да республикаса юралысь-

лөн Кулөмдінса примитаніөн веськөдлысь А.А. Кузнецова.

Эжва йывсаяс корисны көрткерөссаясөс водзөсө воыны Кулөмдін районө, өд коми литературалы подув пуктысьясысь өти, драматург Виктор Савин, велөдчыліс Дереваннойса школаын. Сиктса музейын эм Виктор Савинлы сём пельос. Август помын көрткерөссаяс волісны Дереваннойө да Ичөт Аныбө. Дереваннойын найөс ыджыд пирөгөн вочааліс ветеранъяслөн Кебанъяслысь котырон веськөдлысь Т.А.Тарабукина. Музейөн веськөдлысь Т.Н.Удоратина төдмөдіс сиктөн да висталіс сылөн колян кад йылысь, төдмөдіс районуны да республикаын нималана шылад гижысь, «Василей» гаж котыртысьясы пиысь өти В.Н.Чувьоровкөд. Көрткерөссаяс Эжвалөн крут берег вывсыянь дыр любуйтчисны татчөс вөр-валөн мичлунөн да ылын тыдалысь Ульянаса манастырон.

Кежалісны и музей,



калысь лөк быдтасө.

Дереваннойсыянь ветераньяс мөдөдчисны Ичөт Аныбө, көні найөс виччисисны Дереванной, Руч да Аныб сиктыясысь ветераньяс. «Рассвет» крестьянин овмөсөн веськөдлысь Л.Н. Вологжанина паныдаліс гөсьтыясөс чериняньөн, чөскыд сөянөн. Пызан сайын көрткерөссаяс да кулөмдінсаяс чолөмалісны өта-мөднысө кыпыд аддзысьлөмөн, сисны сьөкыд, но колана уджын вермөмьяс.

Ветеранъяслөн Кулөмдін да Көрткерөс районья-

Аныб сиктө. Веськөдлө хорөн, гижө сыланкывьяс.

Көрткерөссаяслы ёна воис сьолөм вылас Ичөт Аныб деревня, татчөс мича местаяс да сөстөм сынөд, найөс бура вочаалөм.

Аддзысьлөм артмис. Водзын выль аддзысьлөмьяс.

**Николай ЛЮТОЕВ.**  
Авторлөн снимокьяс вылын: **Л.Н.Вологжанина вочаалө чериняньөн; И.В.Нестеров гажөдө ветераньясөс; Көрткерөсса да Кулөмдінса ветераньяс.**





